



Vogošća, ul. Jošanička, br. 80; tel: 00387 33 586 413, fax: 586 418

Broj: 07-11-1122/21
Vogošća, 30.09.2021. godine

Na osnovu člana 69. stav 2. tačka tačka d) Zakona o javnim nabavkama BiH ("Službeni glasnik BiH" broj: 39/14) i čl. 71. i 125. Statuta Općine Vogošća ("Službene novine Kantona Sarajevo", broj 27/14 i 14/15 Prečišćeni tekst), Općinski načelnik dana 30.09.2021. godine donio je

**ODLUKU
O PONIŠTENJU OTVORENOG POSTUPKA NABAVKE, POSTAVLJANJA I POPRAVKE
BETONSKIH PARKOVSKIH KLUPA SA NASLONOM I METALNIH PARKOVSKIH
KORPI SA ULOŠKOM NA PODRUČJU OPĆINE VOGOŠĆA**

Član 1.

Poništava se Otvoreni postupak nabavke, postavljanja i popravke betonskih parkovskih klupa sa naslonom i metalnih parkovskih korpi sa uloškom na području općine Vogošća broj: 07-11-1122/21, jer primljena ponuda nije prihvatljiva, a u skladu sa članom 68. stav 1. i članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Član 2.

Ovom Odlukom stavlja se van snage Odluka o izboru najpovoljnijeg ponuđača za nabavku, postavljanje i popravku betonskih parkovskih klupa sa naslonom i metalnih parkovskih korpi sa uloškom na području općine Vogošća broj: 07-11-1122/21 od 23.09.2021. godine.

Član 3.

Odluka o poništenju postupka nabavke će biti objavljena na web stranici Općine Vogošća, istovremeno s upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama BiH.

OBRAZLOŽENJE

Općinski načelnik je dana 02.09.2021. godine donio Odluku o pokretanju Otvorenog postupka nabavke, postavljanja i popravke betonskih parkovskih klupa sa naslonom i metalnih parkovskih korpi sa uloškom na području općine Vogošća, zajedno sa objavljivanjem Obavještenja o nabavci i tenderske dokumentacije na Portalu javnih nabavki BiH dana 06.09.2021. godine pod brojem: 1353-1-3-157-3-115/21.

Sažetak Obavještenja o nabavci objavljen je u "Službenom glasniku BiH" broj: 56/21 od 10.09.2021. godine

Nakon provedene Zakonom propisane procedure, dana 23.09.2021. godine Općina Vogošća kao ugovorni organ je donijela Odluku o izboru najpovoljnijeg ponuđača broj: 07-11-1122/21, kojom je kao najpovoljniju ponudu u Otvorenom postupku nabavke, postavljanja i popravke betonskih parkovskih klupa sa naslonom i metalnih parkovskih korpi sa uloškom na području općine Vogošća ocijenila ponudu Grupe ponuđača/Konzorcija "Babel" d.o.o. Sarajevo i "Mibral" d.o.o. Sarajevo, kao jedinu pristiglu ponudu, sa ponuđenom ukupnom cijenom nabavke u iznosu od 24.966,40 KM bez uračunatog PDV-a, odnosno 29.210,68 KM sa uračunatim PDV-om.

U skladu sa tačkom 7.1.2. TD. izabrani ponuđač/Grupa ponuđača je u roku od 5 dana od dana zaprimanja Odluke o izboru najpovoljnijeg ponuđača bio dužan dostaviti na protokol ugovornog organa dokumentaciju iz člana 45. stav 2. Zakona, kojim se dokazuje vjerodostojnost date izjave, odnosno ispunjenje uslova iz tačke 7.1.1 TD i to:

- Uvjerjenje nadležnog suda kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca;
- Uvjerjenje nadležnog suda ili organa uprave kod kojeg je registrovan ponuđač, kojim se potvrđuje da nije pod stečajem, niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti;
- Uvjerjenje izdato od strane nadležnih institucija kojim se potvrđuje da je ponuđač izmirio dospjele obaveze, a koje se odnose na doprinose za penzijsko-invalidsko i zdravstveno osiguranje;
- Uvjerjenje izdato od strane nadležnih institucija kojim se potvrđuje da je ponuđač izmirio dospjele obaveze u vezi sa plaćanjem direktnih i indirektnih poreza.

Traženi dokumenti iz tačke 7.1.2. TD moraju biti originali ili ovjerene kopije i ne mogu biti stariji od tri mjeseca, računajući od dana dostavljanja ponude.

Krajnji rok za dostavu tražene dokumentacije po članu 45. Zakona o javnim nabavkama BiH zahtjevanom tačkom 7.1.1 TD je bio 28.09.2021. godine, obzirom da je Odluka o izboru najpovoljnijeg ponuđača zajedno sa Obavještenjem o rezultatu postupka javne nabavke i Zapisnikom o pregledu i ocjeni ponuda lideru Konzorcija firmi "Babel" d.o.o. Sarajevo dostavljena dana 23.09.2021. godine.

Dana 27.09.2021. godine Grupa ponuđača/Konzorcij "Babel" d.o.o. Sarajevo i "Mibral" d.o.o. Sarajevo je na protokol ugovornog organa dostavila dokumentaciju iz člana 45. stav 2 Zakona, broj int. knjige 423/21.

Uvidom u dostavljenu dokumentaciju Komisija za javne nabavke je utvrdila da je dostavljeno:

- Uvjerjenje Općinskog suda u Sarajevu (ovjerena kopija) broj: 65 0 Kr 011712 21 od 19.08.2021. godine, kojim se potvrđuje da za pravno lice "Babel" d.o.o. Sarajevo nije izrečena pravosnažna presuda kojom je osuđeno za krivično djelo učešća u kriminalnoj organizaciji, za prevaru, korupciju ili pranje novca;
- Uvjerjenje Suda BiH (ovjerena kopija) broj: Su: 03-6325/21 od 19.08.2021. godine, kojim se potvrđuje da protiv pravnog lica "Babel" d.o.o. Sarajevo nije izrečena pravosnažna osuđujuća presuda za krivična djela učešća u kriminalnoj organizaciji, prevaru, korupciju i pranje novca pred Sudom Bosne i Hercegovine;
- Uvjerjenje Općinskog suda u Sarajevu (ovjerena kopija) broj: 065-0-R-21-001734 od 19.08.2021. godine, da pravno lice "Babel" d.o.o. Sarajevo nije pod stečajem, niti je predmet stečajnog postupka, nije predmet postupka likvidacije, odnosno nije u postupku obustavljanja poslovne djelatnosti;
- Uvjerjenje Porezne uprave Federacije BiH-Porezna ispostava Novo Sarajevo (ovjerena kopija) broj: 13-9/3-12-5-5533/21DA od 20.08.2021. godine, kojim se utvrđuje da "Babel" d.o.o. Sarajevo prema poreznoj evidenciji nema obaveza, nema duga po osnovu javnih prihoda i nema duga po osnovu doprinosa za penzijsko-invalidsko osiguranje, zdravstveno osiguranje i osiguranje od nezaposlenosti i ostalih direktnih poreza;
- Uvjerjenje Uprave za indirektno oporezivanje-Regionalni centar Sarajevo (ovjerena kopija) broj: 02/6/II-16-11-20-7333/21 od 19.08.2021. godine, kojim se potvrđuje da "Babel" d.o.o. Sarajevo nema dospelih, a neizmirenih obaveza po osnovu indirektnih poreza.

Tačkom 7.5.1. TD je propisano:

U slučaju da ponudu dostavlja grupa ponuđača, ugovorni organ će ocjenu ispunjenosti kvalifikacionih uslova od strane grupe ponuđača izvršiti na sljedeći način:

- grupa ponuđača kao cjelina mora ispuniti uslove koji su navedeni u tački 7.4.1 tenderske dokumentacije, što znači da grupa ponuđača može kumulativno ispunjavati postavljene uslove i dostaviti dokumentaciju kojom dokazuju ispunjavanje postavljenih uslova;

- uslove koji su navedeni pod tačkom 7.1.1 i 7.2.1 moraju ispunjavati svaki član grupe ponuđača pojedinačno, te svaki od članova grupe ponuđača mora dostaviti dokumentaciju kojom dokazuju ispunjavanje postavljenih uslova, na način na koji su predviđeni da se dostavljaju dokazi.

Uvidom u Ponudu Grupe ponuđača/Konzorcija "Babel" d.o.o. Sarajevo i "Mibral" d.o.o. Sarajevo broj: 230/21 od 21.09.2021. godine (strana 12. Ponude) vidljivo je da je dostavljena Izjava iz člana 45. Zakona o javnim nabavkama BiH-Aneks 3 za pravno lice "Mibral" d.o.o. Sarajevo, u kojoj između ostalog stoji da "U navedenom smislu sam upoznat sa obvezom kandidata/ponuđača da u slučaju dodjele ugovora dostavi dokumente iz članka 45. stav (2) tačke od a) do d) na zahtjev ugovornog tijela i u roku kojeg odredi ugovorno tijelo sukladno članku 72. stav (3) tačka a)."

Mišljenje Agencije za javne nabavke BiH od 09.03.2015. godine koje je dostupno na zvaničnoj web stranici Agencije (www.javnenabavke.gov.ba) po pitanju načina na koji članovi grupe kandidata odnosno ponuđača dokazuju ispunjenost uslova iz člana 45. Zakona za člana grupe glasi:

"Grupa ponuđača podrazumijeva dva ili više kandidata, odnosno ponuđača, koji dostavljaju jednu zajednički ponudu, odnosno zahtjev za učešće. S obzirom na to da se zahtjevi iz člana 45. Zakona odnose na ličnu situaciju kandidata, odnosno ponuđača, i podrazumijevaju ispunjenost obaveza prema državi, potrebno je da svaki član grupe za sebe dokaže ispunjavanje ovih zahtjeva".

Na osnovu iznesenog, Komisija za javne nabavke Općine Vogošća je mišljenja da Grupa ponuđača/Konzorcij "Babel" d.o.o. Sarajevo i "Mibral" d.o.o. Sarajevo ne ispunjava Zakonom propisane uslove, a koji su zahtjevani tačkom 7.1.2. i 7.5.1 TD.

Iz navedenih razloga, Komisija za javne nabavke je jednoglasno dala preporuku Općinskom načelniku da donese Odluku o poništenju Otvorenog postupka nabavke, postavljanja i popravke betonskih parkovskih klupa sa naslonom i metalnih parkovskih korpi sa uloškom na području općine Vogošća, iz razloga jer primljena ponuda nije prihvatljiva, a u skladu sa članom 68. stav 1. i članom 69. stav 2. tačka d) Zakona o javnim nabavkama BiH ("Službeni glasnik BiH" broj: 39/14).

Pouka o pravnom lijeku: Ponuđač koji je učestvovao u postupku nadmetanja može radi zaštite svojih prava, u roku od deset dana od prijema Odluke o poništenju postupka nabavke izjaviti žalbu. Žalba se podnosi Uredu za razmatranje žalbi BiH putem ugovornog organa.

Izradio: Mirza Čutura

Mirza Čutura

Kontrolisala: Melisa Kršo

Dostavljeno:

1. "Babel" d.o.o. Sarajevo
2. Nadležnoj Službi
3. U dosije
4. a/a

033/714-481

